

Bwrdd Taliadau Cynulliad Cenedlaethol Cymru

Cofnodion: WRB(09): 23 Medi 2011

Amser: 9:30–16:00

Lleoliad: Ystafell gynadledda 4B

Aelodau'r Bwrdd

Y Gwir Anrh George Reid (Cadeirydd)

Sandy Blair

Mary Carter

Stuart Castledine

Monojit Chatterji

Eraill

Adrian Crompton (Cyfarwyddwr Busnes y Cynulliad)

John Chick (Pennaeth Cymorth Busnes i'r Aelodau) – eitemau 1, 2 a 4

Keith Bush (Prif Gynghorydd Cyfreithiol) – eitem 3

Roger Beale (Rheolydd Ariannol) – eitem 3

Martin Jennings (Arweinydd y Tîm Ymchwil) – eitem 3

Staff cymorth y Bwrdd

Carys Eyton Evans, Clerc

Helen Finlayson, Dirprwy Glerc

Annette Stafford, Cymorth Tîm

Eitem 1: Cyflwyniad y Cadeirydd

1. Croesawyd y Bwrdd i'w nawfed cyfarfod gan y Cadeirydd. Dywedodd wrth yr aelodau iddo fod yn siarad mewn cynhadledd ar Gynulliad Cenedlaethol Cymru fel deddfwrfa y diwrnod blaenorol. Roedd y gynhadledd yn edrych ar ddatblygiad y Cynulliad fel corff deddfu. Dywedodd y byddai ef a Stuart Castledine yn mynd i gyfarfodydd gydag Ipsa a SSRB yn ystod mis Hydref.

Eitem 2: Penderfyniad – gweithredu a monitro

2. Cafodd y Bwrdd y wybodaeth ddiweddaraf am yr ymatebion i'r Penderfyniad, ac adborth cychwynnol am ei weithredu. Mae'r mater a godwyd yng nghyfarfod y Bwrdd ym mis Gorffennaf ynglŷn â llety preswyl wedi'i ddatrys fwy neu lai.

3. Mewn cysylltiad ag argymhellion y Bwrdd ar wneud y mwyaf o gapasiti strategol y Cynulliad, mae'r protocol wedi'i gytuno ar gyfer gwell llif o wybodaeth rhwng y Gwasanaeth Ymchwil a Llywodraeth Cymru. Mae'r Gwasanaeth Ymchwil wedi'i ail-lansio gan ganolbwyntio mwy ar ymholiadau ar lefel uwch. Roedd dull wedi'i fabwysiadu o wneud y gwaith

bob yn gam, ac yn ystod y cyfnod hwnnw roedd staff cymorth yn cael hyfforddiant a chefnogaeth i ddatblygu eu sgiliau ymchwil. Roedd yn galonddid i'r Bwrdd ddeall bod un Aelod wedi gwneud cais am gael defnyddio'r Gronfa Ymgysylltu i gomisiynu ymchwil arbenigol allanol. Roedd proses i gymeradwyo ceisiadau yn y dyfodol yn cael ei datblygu gan dîm Cymorth Busnes yr Aelodau gan ymgynghori â'r Gwasanaeth Ymchwil.

4. Bu'r Bwrdd yn ystyried dulliau i werthuso effaith ei argymhellion a'i Benderfyniad ar gapasiti strategol y Cynulliad, a gofynnodd am bapur gan Adrian Crompton ar gyfer ei gyfarfod nesaf.

5. Roedd rhaglen o ddatblygiad proffesiynol parhaus wedi'i chreu i ddilyn ymlaen o raglen gynefino'r Aelodau. Roedd trafodaethau gyda'r Aelodau, eu staff a swyddfeydd grŵp wedi ychwanegu at lunio'r rhaglen, a oedd yn hyblyg er mwyn bodloni anghenion hyfforddiant Aelodau unigol. Roedd y Bwrdd yn falch nodi bod yr Aelodau wedi ymgysylltu'n gadarnhaol â'r rhaglen, a hynny'n cynnwys cadeiryddion pwyllgorau'n awgrymu ffyrdd y gallai gwaith gael ei wneud drwy bwyllgorau. Roedd y rhaglen datblygiad proffesiynol yn cael ei hystreyn gan raglen gynefino a hyfforddiant ar gyfer staff cymorth yr Aelodau. Roedd nifer fawr o staff cymorth yr Aelodau, rhai newydd a'r rheini a oedd wedi parhau i wasanaethu ers y Trydydd Cynulliad, yn cymryd rhan, ac roedd sesiynau wedi'u teilwra'n arbennig yn cael eu cynnal ar gyfer staff mewn swyddfeydd etholaeth a swyddfeydd rhanbarthol.

6. Roedd yr ymateb i adroddiad y Bwrdd ar dâl deiliaid swyddi wedi bod yn gadarnhaol ar y cyfan. Cafwyd rhai ymholiadau am y cyflogau ychwanegol sy'n daladwy i reolwyr busnes y pleidiau sy'n llywodraethu, ond roedd y rheiny wedi'u datrys. Roedd yn dda gan y Bwrdd nodi bod y Pwyllgor Busnes wedi darparu disgrifiadau o rolau, a oedd yn adlewyrchu'r rheini roedd y Bwrdd wedi'u cynnig yn ei adroddiad, i gadeiryddion pwyllgorau. Roedd y rhain yn nodi ei ddisgwyliadau o'r ffordd y byddent yn gweithredu yn y Pedwerydd Cynulliad.

7. Roedd y Bwrdd wedi cael gohebiaeth gan ddau Aelod yn ymwneud â'r darpariaethau yn y Penderfyniad ar gyfer cydraddoldeb a mynediad. Roedd y materion a godwyd yn rhannol o fewn cylch gwaith y Bwrdd ac yn rhannol o fewn cylch gwaith y Comisiwn. Bydd y Comisiwn yn trafod meysydd sy'n rhan o'i gyfrifoldeb ar 20 Hydref, a bydd ei benderfyniadau'n cael eu cyfleu i'r Bwrdd yn ei gyfarfod ym mis Tachwedd.

8. Cymysg oedd canlyniadau'r trefniadau ar gyfer recriwtio staff cymorth yn agored a thryloyw. Roedd y penodiadau parhaol i gyd wedi'u gwneud drwy gystadleuaeth deg ac agored, er bod gwahanol lefelau o ymgysylltu ymhlith yr Aelodau â'r egwyddorion a oedd yn sail i'r broses. Dywedodd y

Bwrdd ei fod yn pryderu nad oedd staff yn cael eu cyflogi ar y pwynt isaf yn y band tâl yn ôl yr arfer, ond derbyniai ei bod yn rhy gynnar llunio casgliadau gan fod llawer o'r gweithgarwch recriwtio wedi bod ar gyfer staff o'r band uwch, a nifer o'r rheini â phrofiad blaenorol sylweddol mewn swyddi perthnasol. Byddai'r Bwrdd yn dal i adolygu'r mater hwn wrth i'r recriwtio barhau.

9. Trafododd y Bwrdd y broses o golli swyddi ac ailgyflogi staff cymorth adeg etholiad, a chytunwyd y dylid trafod y mater hwn mewn da bryd cyn dechrau'r Pumed Cynulliad.

Eitem 3: Yr Arolwg Pensiynau

10. Diolchodd y Bwrdd i Stuart Castledine am arwain y gwaith ymchwil gyda swyddogion yn ystod yr haf, a nododd fod nifer o bapurau cefndir wedi'u darparu i osod allan y cyd-destun lle byddai'r arolwg o drefniadau pensiwn yn digwydd.

11. Rhestrwyd y materion allweddol gan Stuart Castledine i'r Bwrdd eu hystyried, gan gynnwys yr amserlenni pan oedd y Bwrdd yn bwriadu cynnal ymgynghoriadau a dod i benderfyniadau; cyfyngiadau cyfreithiol a chyfyngiadau eraill a allai fod yn gymwys, gan gynnwys yr angen i ddiogelu ac ariannu buddiannau a oedd eisoes wedi crynhoi; i ba raddau y gallai'r Bwrdd gymryd i ystyriaeth y cyd-destun pensiynau ehangach yn y Deyrnas Unedig; yr angen i ystyried manylion y mathau o gynllun a'r amrywiaeth buddiannau a ddylai fod ar gael; a ddylid mabwysiadu dull o'r brig o'r bôn ynteu o'r bôn i'r brig wrth lunio'r cynllun; a phensiynau fel un gydran yn y pecyn tâl cyfan sydd ar gael i Aelodau.

12. Trafodwyd y materion hyn, a chytunwyd y byddai ymgynghori â rhanddeiliaid perthnasol yn sylfaenol i'r broses adolygu. Gallai hyn gynnwys ymgynghori eang ar yr egwyddorion sy'n sail i ddarpariaeth pensiwn yr Aelodau, yn ogystal ag ymgynghori statudol ag aelodau cynlluniau am unrhyw newidiadau penodol a arfaethir.

13. Cytunwyd nad oedd angen dim ymchwil penodol pellach ar hyn ar hyn, er ei bod yn debygol y byddai angen i'r Bwrdd, yn ystod yr adolygiad, gomisiynu ymchwil a chynghor manwl, yn enwedig o ran dylunio unrhyw gynllun newydd.

14. Er mwyn cyflawni'r nodau sydd wedi'u gosod allan yn y Mesur na ddylai unrhyw ymgeisydd gael ei rwystro rhag sefyll mewn etholiad Cynulliad ar sail arian, cytunwyd y dylid gorffen yr adolygiad o'r pecyn tâl cyfan i Aelodau yn y Pumed Cynulliad erbyn 2015. Felly, byddai'r adolygiad dros dro o'r elfen bensiwn yn y tâl cyfan yn cael ei orffen erbyn 2014. Nododd y Bwrdd y byddai, hwyrach, ar ôl cael y gwerthusiad o'r cynllun, efallai'n dymuno ystyried a yw cyfradd gyfrannu bresennol y Comisiwn o

23.8 y cant, a chyfradd gyfrannu'r Aelodau o 6 y cant (yn ddibynnol ar y gyfradd gronïadol) yn parhau i fod yn briodol. Nodwyd y byddai cynnig i gynyddu cyfradd gyfrannu Aelodau Seneddol i'w cynllun pensiwn yn cael ei drafod yn Westminster yn ystod mis Hydref.

15. Dywedodd y Cadeirydd y bydd Cadeirydd yr Ymddiriedolwyr Pensiwn yn bresennol yng nghyfarfod nesaf y Bwrdd, ynghyd ag actiwari'r cynllun. Trafododd y Bwrdd restr o gwestiynau y dylid eu gofyn i'r actiwari cyn y cyfarfod, a chytunwyd y byddai rhestr drafft yn cael ei chylchredeg i roi sylwadau arni yn ystod yr wythnos i ddod.

16. Cytunwyd nad oedd drafft y Memorandwm Dealltwriaeth rhwng y Bwrdd, y Comisiwn a'r Ymddiriedolwyr Pensiwn ar hyn o bryd yn addas at y diben. Cytunodd y Bwrdd y dylai Stuart Castledine a Keith Bush gylchredeg Memorandwm Dealltwriaeth wedi'i ailddrafftio ymhlith aelodau'r Bwrdd, gan gymryd i ystyriaeth pwy oedd yn gyfrifol am beth a beth nad oedd pobl yn gyfrifol amdanynt. Dylid gwneud hynny yn gynnar ym mis Hydref. Byddai'r drafft yn cael ei ystyried gan yr Ymddiriedolwyr Pensiwn yn eu cyfarfod ar 17 Hydref.

Eitem 4: Gwaith yn y dyfodol

17. Trafododd y Bwrdd fraslun o'i raglen waith yn ystod y Pedwerydd Cynulliad, a chytunwyd ar ddyddiadau cyfarfodydd cychwynnol ar gyfer 2012 - 26 Ionawr, 23 Mawrth a 22 Mehefin.

Eitem 5: Adroddiad blynyddol y Bwrdd Taliadau

18. Cafodd y drafft o adroddiad blynyddol y Bwrdd am 2012-2011 ei drafod ganddo a'i gymeradwyo. Yn ôl y Mesur, mae'n ofynnol i'r Bwrdd ei gyflwyno gerbron y Cynulliad. Bydd yr adroddiad yn cael ei gyflwyno ganol mis Hydref.